


ALKOHOLPOLITISK HANDLINGSPLAN 2020 – 2024



Godkjent av kommunestyret 30.04.20



Innhold

1	Formål med Alkoholpolitisk handlingsplan	3
2	Gruppeinndeling alkoholholdig drikk	5
3	Løyve periode for sal- og skjenkestadane	5
4	Om skjenkeløyve	5
4.1	Alminneleg skjenkeløyve	5
4.1.1	Konsept	5
4.1.2	Skjenketider	6
4.1.3	Vilkår for å få løyvet	6
4.2	Løyve ved einskildhøve	6
4.2.1	Konsept	6
4.2.2	Skjenketider	7
4.2.3	Vilkår	7
4.3	Ambulerande skjenkeløyve	7
4.3.1	Kva er eit slutta lag	7
4.3.2	Omfang og skjenketid	8
4.4	Saksbehandling skjenkeløyve	8
4.4.1	Søkjar	8
4.4.2	Dokumentasjon	8
4.4.3	Uttale	9
5	Om salsløyve	9
5.1	Salsløyve	9
5.1.1	Varegruppe 1	9
5.1.2	Varegruppe 2 og 3	10
5.1.3	Salstider	10
5.1.4	Vilkår salsløyve	10
5.2	Saksbehandling salsløyve	10
5.2.1	Søkjar	10
5.2.2	Løyveperiode	10
5.2.3	Dokumentasjon	11
5.2.4	Uttale	11
6	Kontroll med sals- og skjenkestadar	13
7	Reaksjonar på brot på alkohollova	13
7.1	Prikktildeling og inndraging av sals- og skjenkeløyve	13
7.2	Saksbehandlingsreglar ved brot på regelverk	14
8	Sals- og skjenkegebyr	14

1 FORMÅL MED ALKOHOLPOLITISK HANDLINGSPLAN

Alkohol- og narkotikabruk er blant dei viktigaste risikofaktorane for helsetap og tidleg død i befolkninga. Alkohol er årsak til betydeleg meir helsemessige og sosiale problem i samfunnet enn narkotika.

Tal og faktainformasjon frå [Folkehelseinstituttet](#) viser at:

- Vi drikk i gjennomsnitt nesten 7 liter rein alkohol per år, rekna per innbyggjar over 15 år
- Menn drikk oftare og i gjennomsnitt dobbelt så mykje alkohol som kvinner
- Eldre drikk oftare, men mindre alkohol enn yngre
- Vi drikk vesentleg mindre alkohol i Noreg enn i dei fleste europeiske land, rekna per innbyggjar på 15 år og over
- Vel 12 prosent av tapte friske leveår i den vaksne befolkninga (aldersgruppa under 65 år) i Noreg kan ha sin årsak i alkoholbruk
- Rusmiddelrelaterte helseskadar er sosialt skeivdelt, og grupper med lågare utdanning og/eller dårlegare økonomi er meir utsette enn andre
- Den sosiale ulikskapen i dødelegheit som vi ser i Noreg, kan til ein viss grad settast i samanheng med alkoholbruk. Tiltak som effektivt reduserer rusmiddelbruk i befolkninga, vil utifrå dette kunne gi ein betydeleg folkehelsegevinst og medverke til redusert tap av helse der dette har opphav i sosiale ulikskapar

Det er ein samanheng mellom det totale alkoholforbruket i befolkninga og andelen som har eit risikofylt alkoholbruk. Totalforbruket er difor ein god indikator på kor mange som har eit høgt alkoholinntak, og med det auka risiko for helseskadar og sosiale utfordringar.

Alkoholbruk kan vere ein medverkande faktor ved ulykker, vald, sjølvmoedsåtfærd, og skade på tredjepart. Døme på sistnemnde kan vere born som lid under alkoholbruken til foreldra, fosterskadar, offer for promillekøyning og valdsbruk. Alkoholbruk har også mange negative konsekvensar for arbeidslivet som til dømes auka sjukefråvær og tapt produktivitet.

[Ungdata undersøkinga i Hareid kommune](#) 2019 viser at ungdommar på ungdomsskuletrinnet viser at 1% har vore rusa seks gonger eller meir, og at 3 % har vore rusa 2-5 gonger. Eit snitt på 91 % svarar at dei aldri har drukke alkohol.

Oversikt over liter seld- og skjenka alkohol i Hareid kommune i perioden 2016-2018:

Skjenking (liter)	2016	2017	2018
Alkoholgruppe 1	14 204,96	17 456,84	15 788
Alkoholgruppe 2	1 367,45	896,3	1 241,05
Alkoholgruppe 3	159,30	226,25	257,4
Omsetning i butikk (liter)	140 722	154 025	146 949,46

Kjelde: Innsende omsetningsoppgåver frå butikkar og skjenkestadar



Formålet til alkohollova er følgjande:

§ 1-1.Lovens formål.

Reguleringen av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i dette sikter loven på å begrense forbruket av alkoholholdige drikkevarer.

Lova gir kommunane stor fridom til å utforme sin eigen alkoholpolitikk tilpassa lokale tilhøve. Lova opnar også for bruk av skjønns ved handsaming av søknad om løyve.

Alkohollova § 1-7 d pålegg kommunen å utarbeide ein alkoholpolitisk handlingsplan. Denne fastset kommunen sin løyvepolitikk som skal gjennomføre alkohollova sitt formål; å redusere dei individuelle og samfunnsmessige skadane som alkoholbruk kan medføre. Effektive verkemiddel for å oppnå dette er å avgrense tilgangen på alkohol, ved til dømes regulering av sals- og skjenketider. Andre viktige tiltak er jamlege kontrollar med sals- og skjenkestadane, og raske reaksjonar ved brot på regelverket. Kommunen må også kurse løyvehavar og tilsette ved sals- og skjenkestadane for å sikre ei ansvarleg alkoholhandtering.

Det er eit uttalt politisk ønske at kommunane i vår region har ein tilnærma lik løyvepolitikk, spesielt med omsyn til sals- og skjenketider, kontroll og handheving av regelverket. Dette på grunn av trafikktryggleik og likast mogleg konkurransevilkår for verksemdene. Saksbehandlarane i samarbeidskommunane bør ha jamlege samarbeidsmøte for å drøfte ulike problemstillingar og sikre god samordning av praksis. Kommunen sin alkohol- og løyvepolitikk må sjåast i samanheng med kommunen sine overordna planverk for rusmiddelpolitikk og folkehelse.

Sjå elles:

[Alkohollova](#)

[Alkoholforskrifta](#)

[Helsedirektoratet sine kommentarar til alkohollova](#)

[Folkehelseinstituttet sine heimesider](#)

2 GRUPPEINDELING ALKOHOLHOLDIG DRIKK

Alkoholfri drikk	Under 0,7 %
Alkoholsvak drikk	0,7%- 2,5 %
Gruppe 1	Over 2,5 % - høgast 4,7%
Gruppe 2	Over 4,7 % og mindre enn 22 %
Gruppe 3	Frå og med 22 % til og med 60 %

3 LØYVE PERIODE FOR SAL- OG SKJENKESTADANE

Løyveperioden er inntil 4 år og skal vare til 30. september året etter at nytt kommunestyre tiltrer.

Vedtaket vert gjort etter reglane i alkohollova med forskrifter, forvaltningslova, alkoholpolitisk handlingsplan og delegeringsreglementet i kommunen.

Kommunen kan bestemme at sal- og skjenkeløyve ikkje skal opphøre, men gjelde vidare for ny periode med inntil fire år. Kommunen vil utarbeide eigne retningslinjer for dette.

4 OM SKJENKELØYVE

Kommunen kan gi alminneleg skjenkeløyve, skjenkeløyve til einskildhøve og ambulerande løyve.

4.1 Alminneleg skjenkeløyve

Kommunen har ikkje vedteke eit tak for talet på skjenkeløyve. Løyvet vert gitt med heimel i alkohollova og alkoholpolitisk plan.

4.1.1 Konsept

Det vert som hovudregel ikkje gitt alminneleg løyve til:

- Frisørsalongar/hudpleiesalongar/butikkar og liknanda konsept
- Arrangement som er retta hovudsakleg inn mot barn og unge under 18 år.
- Undervisningsbygg
- Mosjon- og Idrettsarenaer
- Konditori
- Galleri og utstillingar
- Bygg som vert nytta som grendehus
- Kino
- Campingplasser
- Soner som elles vert rekna som rusfrie
- Bensinstasjonar
- Kioskar

Det skal førast ein restriktiv line til nye konsept.

4.1.2 Skjenketider

Normal skjenketid	Gruppe 1 og 2	Alle dagar	Kl. 11.00 – 02.00 inne. Fram til kl. 24.00 for uteareal.
	Gruppe 3	Alle dagar	Kl. 13.00 – 24.00 både inne- og uteareal
Jul	2.juledag – 1. nyttårsdag		Gruppe 1 og 2: Kl. 11.00 – 02.00 Gruppe 3: Kl. 13.00 – 24.00
Påske	Måndag etter palmesøndag – 2.påskedag		Gruppe 1 og 2: Kl. 11.00 – 02.00 Gruppe 3: Kl. 13.00 – 24.00

- Konsum av alkoholholdig drikke må slutte seinast 30 minutt etter at skjenketida har gått ut.
- Konsum av alkoholholdig drikk i uteareal skal slutte ved skjenketida sin slutt, alkoholholdig drikke må då takast med inn i skjenkelokalet.
- For skjenkestadar som er lokalisert utanfor tettstadsområde og på stadar der naboar ikkje vert sjenert, kan skjenketida ute setjast lik skjenketida innandørs.
- Driftskonsept hotell kan få skjenketid for varegruppe 1 og 2 frå kl. 09.00 alle dagar.

4.1.3 Vilkår for å få løyvet

Kommunen kan sette vilkår for løyve i samsvar med loverket.

Desse kan vere:

- At minimum styrar og vara for styrar skal delta på kurset Ansvarleg vertskap så lenge kommunen tilbyr dette i løyveperioden. Ved skifte (styrar og vara for styrar) gjeld same vilkåret.
- Politiet kan krevje ordensvakter. Når dette vert gjort vert dette stilt som vilkår for løyvet.
- Skjenkestadane skal ha forsvarleg vakthald og søkjar skal dokumentere forsvarleg kompetanse til dørvaktoppgåvene.
- Ansvarleg ved skjenkestaden skal ikkje vere påverka av rusmiddel

4.2 Løyve ved einskildhøve

Løyvet kan tildelast arrangement som varer frå 1-6 dagar.

4.2.1 Konsept

Konsept det ikkje vert gitt løyve til:



- Arrangement som er retta imot barn og unge
- Undervisningsbygg. I kombinerte anlegg for skule og andre føremål kan det ved særlege høve gjerast unntak når desse anlegga vert nytta til kulturelle og sosiale føremål utanom skuletida
- Campingplassar
- Soner som elles vert rekna som rusfrie som symjehallar, skisenter, ungdomsklubbar, bibliotek og idrettsarenaer i samband med idrettsarrangement og idrettsaktivitet
- Hudpleiesalongar, frisørsalongar, tatoveringsstudio og liknande
- Gatekjøkken, kioskar, bakeri og liknande konsept

Løyve for varegruppe 3 vert berre gitt til arrangement med middagsservering.

I samband med søknad om løyve for einskildhøve vert det bede om uttale frå politiet, sjå punkt **Feil! Fant ikke referanseilden.**

4.2.2 Skjenketider

Normal skjenketid vert som for alminneleg løyve (jf. punkt 4.1.2).

4.2.3 Vilkår

Kommunen kan sette vilkår for løyve ved einskildhøve jf. alkoholova § 4-3. Kommunen kan sette same vilkår som for alminneleg løyve (Jf. punkt 4.1.3)

Normalt vil vilkår som vert sett vere knytt til:

- vakthald under arrangement
- løyve til bruk av bygg
- løyve til bruk av uteareal
- dokumentasjon på at tryggleik er ivareteke, derunder branntryggingstiltak.

4.2.4 Utandørs festivalar

Aldersgrensa ved utandørs festivalar der det vert skjenka alkohol skal vere minimum 18 år. Det vert ikkje gjeve løyve til å skjenke alkoholhaldig drikk gruppe 3. Det gjeld sjølv om det er sett opp festivaltelt eller liknande.

Festivalområdet skal vere fysisk avgrensa, det skal vere forsvarleg vakthald og sett i verk forsvarlege tryggingstiltak.

4.3 Ambulerande skjenkeløyve

Det kan gjevast ambulerande løyve for skjenking til slutta lag der det vert teke vederlag for alkoholhaldig drikke.

4.3.1 Kva er eit slutta lag



Med slutta lag meiner ein at det allereie før arrangementet tek til er danna eit slutta/privat krins av personar som samla for eit bestemt formål i eit bestemt lokale.

Døme på slutta lag er bryllaup, åremål, jubileum, firmafestar og liknande, der det vert omsett alkohol.

Ved leige av lokale er det ikkje utleigar som skal søkje, men den som held det slutta laget.

Arrangement som vert haldne av lag og foreiningar er ikkje å rekne som slutta lag.

Arrangementet skal ikkje vere ope for andre.

For meir informasjon om [ambulerande skjenkeløyve og kva som skal reknast som slutta lag, sjå helsedirektoratet sine heimesider.](#)

4.3.2 Omfang og skjenketid

Kommunen set eit tak på 5 ambulerande løyve på same dag.

Eit slikt løyve kan omfatte alkoholhaldig drikk gruppe 1 (øl), 2 (vin) og 3 (brennevin).

Skjenketider for ambulerande løyve vert som for alminneleg løyve, jf. punkt 4.1.2

4.4 Saksbehandling skjenkeløyve

Kommunen er ansvarleg for den utøvande løyvepolitikken, etter den alkohollovgjevinga som til ei kvar tid gjeld.

Skjenking av alkoholhaldig drikke kan berre skje på grunnlag av kommunal løyve, jf. alkohollova § 1-4a.

4.4.1 Søkjar

Søkjar er den som har det økonomiske ansvaret for drifta og dette kan vere:

- aksjeselskap, ansvarleg selskap, selskap med delt ansvar og stiftingar
- enkeltmannsføretak
- dotterselskap til eit konsern

4.4.2 Dokumentasjon

Ved søknad om alminneleg skjenkeløyve skal dette leggst ved søknaden:

- Firmaattest for alle selskap involvert i drifta. Attestane skal ikkje vere eldre enn 2 månadar
- Dokumentasjon på at styrar og vara for styrar har bestått kunnskapsprøva i alkohollova jf. alkohollova §1-7c
- Dokumentasjon for at styrar og vara for styrar er tilsett i bedrifta
- Skisse over skjenkeareal inne og ute. Skjenkearealet skal vere skravert eller fargelagt.
- Kopi av overdragsavtale ved eigarskifte
- [Internkontrollrutinar](#)

Søknadar vert ikkje handsama før all vesentleg dokumentasjon er levert inn.



4.4.3 Uttale

Ved alminneleg skjenkeløyve skal kommunen hente inn uttale før søknaden vert handsama. Kommunen pliktar å hente inn uttale frå politi og sosialtenesta. Kommunen kan og innhente uttale frå til dømes skatte- og avgiftsmynde, mattilsynet, og andre aktuelle offentlege mynde.

Når vi hentar inn uttale om vandel kan det ikkje takast omsyn til høve som er eldre enn 10 år.

Når det vert søkt om skjenking på utandørs areal, skal det innhentast uttale frå sektor for samfunnsutvikling. Dei gjev uttale om reguleringsmessig status, avstand til trafikkareal, plassering og utforming av skjerming/gjerde, eigartilhøve m.m.

4.4.3.1 Skatte – og avgiftsmynde

Skatteetaten gir uttale om kor vidt løyvehavar stettar:

- likningslova sitt krav om innlevering av sjølvmelding
- meirverdiavgiftslova sitt krav om innsending av oppgåve over omsetting
- plikt til å betale meirverdiavgift
- krav til registrering av firmaet i meirverdiregisteret
- skattebetalingslova sitt krav om arbeidsgjevar sitt forskotstrekk
- regnskapslova sitt krav om at det vert ført rekneskap og at det utarbeidast årsoppgjer o.l.

Vidare vil vi få informasjon om løyvehavar har vore involverte i konkursar og liknande.

4.4.3.2 Politiet

Politiet sin uttale peikar på tilhøve kring tryggleik, trafikale omsyn, omsyn til offentleg ro og orden og om det er andre tilhøve ved skjenkestaden, lokalisering og verksemda som tilseier at dei ikkje tilrår å gje skjenkeløyve.

Politiet skal i samsvar med lovverket gje uttale om søkjar og ansvarlege juridiske personar sin vandel dei siste 10 åra.

4.4.3.3 Sosialtenesta

Sosialtenesta uttaler seg ut ifrå sosiale og helsemessige forhold.

5 OM SALSLØYVE

Sal av alkoholhaldig drikk skal berre skje på bakgrunn av kommunalt løyve, jf. alkoholova § 3-1.

5.1 Salsløyve

5.1.1 Varegruppe 1

Alkohol i varegruppe 1 kan som hovudregel berre seljast av:

- Daglegvarebutikkar
- Spesialbutikkar for mat og alkohol
- Utsal frå stad med tilverknadsløyve, som t.d. gardssal
- Nettbutikkar
 - Nettbutikkar med verksemdsadresse i kommunen må ha salsløyve



- Nettbutikker med verksemdsadresse i andre kommunar, men som leverer ut alkohol i kommunen må ha salsløyve
- Utlevering av alkohol må finne stad innanfor fastsette tider for sal i kommunen, uavhengig av tidspunkt for bestilling eller betaling

Det er ikkje høve til å opprette monopol for sal av varegruppe 1.

Det vert ikkje gitt salsløyve:

- til bensinstasjonar og kioskar
- som hovudregel i lokale der det er gitt skjenkeløyve

5.1.2 Varegruppe 2 og 3

Sal av alkoholholdig drikk varegruppe 2 og 3 skal skje frå AS Vinmonopolet sine salsstadar.

5.1.3 Salstider

For salsstadar med løyve i varegruppe 1 gjeld desse salstidene:

Kvardagar	kl. 09.00 - kl. 20.00
Laurdag og dagar før heilagdagar	kl. 09.00 - kl. 18.00
Dagen før Krist Himmelfartsdag	kl. 09.00 – kl. 20.00

Det er tillate å selje alkohol på valdagen.

Vara skal vere betalt innan salstida sin slutt.

5.1.4 Vilkår salsløyve

Kommunen kan sette vilkår for løyva i tillegg til dei krav loverket krev. Det vert vurdert å sette eit eller fleire vilkår for løyve.

Desse er:

- Salsstadane skal delta på «Ansvarleg sal» ved første moglege kurs. Dette så lenge kommunen tilbyr det. Dette gjeld minimum styrar og vara for styrar. Ved skifte (styrar og vara for styrar) gjeld same vilkåra.
- Rutinar for internkontroll skal leverast til kommunen seinast 1 måned etter at vedtak er gjort.

5.2 Saksbehandling salsløyve

5.2.1 Søkjar

Søkjar er den som har det økonomiske ansvaret for drifta og dette kan vere:

- Eit aksjeselskap, ansvarleg selskap, selskap med delt ansvar og stiftingar
- Enkeltmannsføretak
- Dotterselskap til eit konsern.

5.2.2 Løyveperiode

Løyveperioden er inntil 4 år og skal vare til 30. september året etter at nytt kommunestyre tiltrer.

Vedtak vert gjort etter reglane i alkohollova med forskrift, forvaltningslova, alkoholpolitisk handlingsplan og delegasjonsreglementet i kommunen.

5.2.3 Dokumentasjon

Ved søknad om alminneleg salsløyve skal dette leggst ved søknaden:

- Firmaattest for alle selskap involvert i drifta. Attestane skal ikkje vere eldre enn 2 månadar
- Dokumentasjon på at styrar og vara for styrar har bestått kunnskapsprøva i alkohollova jf. alkohollova §1-7c
- Dokumentasjon på at styrar og vara for styrar er tilsett i bedrifta
- Ei skisse over lokalet der sal skal skje, lokalet merkast
- Kopi av overdragsavtale ved eigarskifte
- Rutinar for internkontroll

Søknadar vet ikkje handsama før all vesentleg dokumentasjon er levert inn.

5.2.4 Uttale

Ved alminneleg salsløyve skal kommunen hente inn uttale før søknaden vert handsama. Kommunen pliktar å hente inn uttale frå politi og sosialtenesta. Kommunen kan også hente inn uttalar frå til dømes skatte- og avgiftsmynde, mattilsynet og andre aktuelle offentlege mynde.

5.2.4.1 Skatte- og avgiftsmynde

Skatteetaten gir uttale om kor vidt løyvehavar til dømes stettar:

- Likningslova sitt krav om innlevering av sjølvmelding
- Meirverdiavgiftslova sitt krav om innsending av oppgåve over omsetting
- Plikt til å betale meirverdiavgift
- Krav til registrering av meirverdiavgift firmaet i meirverdiavgiftsregisteret
- skattebetalingslova sitt krav om arbeidsgivars forskotstrekk
- Rekneskapslova sitt krav om at det vert ført rekneskap og at det og at det blir utabeida årsoppgjør o.l.

5.2.4.2 Politiet

Politiet sin uttale peikar på tilhøve kring tryggleik, trafikale omsyn, omsyn til offentleg ro og orden og om det er andre tilhøve ved salsstaden, lokalisering og verksemda, som tilsei at ein ikkje tilrår å gje skjenkeløyve.

Politiet skal i samsvar med lovverket gje uttale om søkjar og ansvarlege juridiske personar sin vandel dei siste 10 åra.

5.2.4.3 Sosialtenesta

Sosialtenesta uttaler seg ut ifrå sosiale og helsemessige forhold.





6 KONTROLL MED SALS- OG SKJENEKSTADAR

[Alkoholforskrifta kap. 9](#) inneheld føresegnar om kontroll med sals- og skjenkeløyve. Kommunen skal kontrollere alle sals- og skjenkestadar for å sikre at det ikkje skjer brot på regelverket, eller vilkåra i løyvet.

Kommunen kan gjennomføre kontrollar ved eigne tilsette, engasjerte kontrollørar eller private vakselskap. Gjennom innkjøpssamarbeidet med Ålesund kommune er det per i dag inngått ein avtale med eit privat vakselskap, og det vil vere denne avtalen som regulerer omfanget og detaljane kring korleis skjenkekontrollen skal gjennomførast. Avtalen ligg tilgjengeleg på kommunen sin avtalelesar på intranettet.

Skjenkekontrollen skal kontrollere løyve gitt av kommunen; både alminnelege skjenkeløyve, ambulerande løyve, løyve for enkeltarrangement og salsløyve. Den kommunale kontrollplikta omfattar ikkje A/S Vinmonopolet sine utsal eller løyve til engrossal.

Det følgjer av alkoholforskrifta at kontrollen skal gjerast med minimum to kontrollørar, og kan skje opent eller anonymt. Kontrollen skal særleg omfatte sals- og skjenketidene, føresegnene om aldersgrenser, og at det ikkje vert selt, eller skjenka alkohol til personar som er openbert påverka av rusmiddel. Kommunen skal elles sikre at kontrollen til ei kvar tid er tilpassa lokale forhold.

Det følgjer av alkoholforskrifta § 9-7 at kommunen skal gjennomføre minimum tre gongar så mange kontrollar per år som det er løyve, og kvar stad skal kontrollerast minimum ein gong per år. Kontrollane med ambulerande løyve og løyve for enkeltarrangement kjem i tillegg til den ordinære skjenkekontrollen.

Saksansvarleg for sals- og skjenkeløyve i kommunen skal gjennomføre årlege planleggingsmøte med skjenkekontrollen.

7 REAKSJONAR PÅ BROT PÅ ALKOHOLLOVA

Kommunen pliktar å reagere dersom skjenkekontrollen, eller andre mynde avdekkjer at løyvehavar ikkje har oppfylt sine plikter etter alkohollova, forskrifter, eller plikter som følger av sjølve løyvededtaket.

7.1 Prikktildeling og inndraging av sals- og skjenkeløyve

Alkoholforskrifta har reglar om standardiserte reaksjonar i form av prikktildeling ved brot på regelverket, eller på vilkåra i løyvet, sjå kap.10 i forskrifta.

Sanksjonar som prikktildeling, eller inndraging av sals- og skjenkeløyve kan berre skje på grunnlag av ein skjenkekontroll gjennomført i medhald av kapittel 9 i alkoholforskrifta, eller ein formell rapport frå andre mynde.

Dess alvorlegare brotet er, dess fleire prikkar pliktar vi å gje. Likearta brot skal vurderast som eit enkeltbrot, men fleire likearta brot under ein kontroll kan indikere at det ligg føre skjerpande omstende som gjev grunnlag for fleire prikkar.

Kva type lovbrott som gjev prikkar, og kor mange prikkar brotet kvalifiserer til går fram av alkoholforskrifta § 10-3. Det er utarbeidd ei enkel oversikt i vedlegg (siste side i dokumentet). Paragraf § 10-4 opnar for at vi kan gje færre, eller fleire prikkar. Det skal meir til for å gje færre prikkar enn for å gje fleire prikkar.



Dersom løyvehavar i løpet av ein periode på to år har fått totalt 12 prikkar, skal kommunen drage inn løyvet for eit tidsrom på ei veke. Vert det i perioden gjeve fleire enn 12 prikkar, skal vi auke lengda på inndraginga tilsvarande.

Når vi bereknar toårsperioden, skal tidspunkta for brota leggjast til grunn. Toårsperioden gjeld uavhengig av om løyvet er fornya i løpet av perioden, jf. alkohollova § 1-6. Ved overdraging av verksemda, byrjar ny periode på tidspunktet for overdraginga, jf. alkoholloven § 1-10 første ledd.

Inndraging av eit løyve kan også skje når vilkåra for å ha løyve ikkje lenger er tilstade, som til dømes at kravet til uklanderleg vandel i alkohollova § 1-7b ikkje er oppfylt.

7.2 Saksbehandlingsreglar ved brot på regelverk

Det følgjer av § 9-6 i forskrifta at skriftlege rapportar frå skjenkekontrollen skal sendast til sals-, eller skjenkestaden seinast innan ei veke, med ein frist på 2 veker for eventuelle merknadar. Dersom det er registrert negative avvik, kan rapporten med eventuell tilleggsrapport sendast ut saman med førehandsvarsel om vedtak. Sjå meir om førehandsvarsel under.

Vedtak om inndraging og tildeling av prikkar skal reknast som enkeltvedtak etter forvaltningslova § 2. Det inneber at det gjeld særskilde saksbehandlingsreglar, sjå forskrifta §§ 10-5 og 10-6 og forvaltningslova.

Før eit eventuelt vedtak om inndraging eller prikktildeling vert gjort, pliktar vi å gje førehandsvarsel om at kommunen vurderer eit slikt vedtak og ei grunngjevinga for dette jf. forvaltningslova § 16. Løyvehavar skal også få ein rimeleg frist til å uttale seg om saka.

8 SALS- OG SKJENKEGEBYR

Sals- og skjenkegebyra i kommunen følgjer til ein kvar tid satsar satt i forskrift til alkohollova. Sakhandsamingsgebyr ved søknad om alminneleg løyve til einskildarrangement vert sett til: Løyve for 1 dag kr. 1200,-. Pr. påfølgande dagar kr. 500,- pr. dag.

Vedlegg 1: Reaksjonar ved brot på alkohollova

Prikkar	Regelbrot (punkta er frå alkoholforskriften)
8	<ul style="list-style-type: none"> ➤ salg, utlevering eller skjenking til person som er under 18 år, jf. alkoholloven § 1-5 annet ledd ➤ brudd på bistandsplikten, jf. § 4-1 annet ledd i denne forskriften ➤ brudd på kravet om forsvarlig drift, jf. alkoholloven § 3-9 og § 4-7 ➤ hindring av kommunal kontroll, jf. alkoholloven § 1-9.
4	<ul style="list-style-type: none"> ➤ salg og utlevering til person som er åpenbart påvirket av rusmidler, jf. § 3-1 i denne forskriften, skjenking til person som er eller må antas å bli åpenbart påvirket av rusmidler, jf. § 4-2 første ledd i denne forskriften ➤ brudd på salgs-, utleverings- og skjenketidsbestemmelsene, jf. alkoholloven § 3-4a, § 3-7 og § 4-4 ➤ skjenking av alkoholholdig drikk gruppe 3 til person på 18 eller 19 år, jf. alkoholloven § 1-5 første ledd ➤ brudd på alderskravet til den som selger, utleverer eller skjenker alkoholholdig drikk, jf. alkoholloven § 1-5 tredje ledd.
2	<ul style="list-style-type: none"> ➤ det gis adgang til lokalet til person som er åpenbart påvirket av rusmidler, eller bevillingshaver sørger ikke for at person som er åpenbart påvirket av rusmidler forlater stedet, jf. § 4-1 i denne forskriften ➤ mangler ved bevillingshavers internkontroll, jf. alkoholloven § 1-9 siste ledd, jf. kapittel 8 i denne forskriften ➤ manglende levering av omsetningsoppgave innen kommunens frist, jf. kapittel 6 i denne forskriften ➤ manglende betaling av bevillingsgebyr innen kommunens frist, jf. kapittel 6 i denne forskriften ➤ brudd på krav om styrer og stedfortreder, jf. alkoholloven § 1-7c ➤ gjentatt narkotikaomsetning på skjenkestedet, jf. alkoholloven § 1-8 annet ledd ➤ gjentatt diskriminering, jf. alkoholloven § 1-8 annet ledd.



1	<ul style="list-style-type: none">➤ brudd på kravet om alkoholfrie alternativer, jf. § 4-6 i denne forskriften➤ brudd på regler om skjenkemengde, jf. § 4-5 i denne forskriften➤ konsum av medbrakt alkoholholdig drikk, jf. § 4-4 i denne forskriften➤ gjester medtar alkohol ut av lokalet, jf. § 4-4 i denne forskriften➤ brudd på krav om plassering av alkoholholdig drikk på salgssted, jf. § 3-3 i denne forskriften➤ brudd på vilkår i bevillingsvedtaket, jf. alkoholloven § 3-2 og § 4-3➤ brudd på reklameforbudet, jf. alkoholloven § 9-2, jf. kapittel 14 i denne forskriften➤ andre overtredelser som omfattes av alkoholloven § 1-8 første ledd, jf. blant annet alkoholloven § 3-1 femte ledd, § 4-1 annet ledd, § 8-6, § 8-6a, § 8-12 og § 8-13.
---	---